

E lura – co vinavant?

Per pudair confermar la metoda da l'intervenziun e per pudair far l'intervenziun ston la gravidanza e sia durada vegnir constatadas d'ina media u d'in medi tras in'analisa ad ultrasun.

Suenter in discurs persunal che la media u ch'il medi fa cun Vus, vegn fatga l'interrupziun da la gravidanza en in dals ospitals menziunads. L'intervenziun ha lieu tut tenor l'ospital e tut tenor la situaziun persunala da la dunna en furma ambulanta u staziunara. Ils custs vegnan surpigliads da la cassa da malsauns. Suenter l'interrupziun duvrais Vus schanetg e quietezza.

:adebar», il post da cussegliaziun per planisaziun da famiglia, sexualitad, gravidanza e partenadi As porscha cussegliaziuns er suenter ina interrupziun da la gravidanza. I po liberar e gidar da discurre cun ina persuna dal fatg externa davart las experientschas ch'ins ha fatg u davart ils patratgs ed ils sentiments ch'ins ha gi.

Ultra da quai posseda **:adebar»** ina biblioteca cun cudeschs davart quest tema.

En speranza senza prevair / vulair? Infurmaziuns davart l'interrupziun da la gravidanza

:adebar»

**Post grischun
da cussegliaziun
per planisaziun
da famiglia,
sexualitad,
gravidanza e
partenadi**

Sennensteinstrasse 5 · 7000 Cuir
telefon 081 250 34 38
fax 081 250 34 39

E-mail: beratung@adebar-gr.ch
www.adebar-gr.ch

Vus avais constatà che Vus essas en speranza. In uffant As dat en quest mument problems nunschliabels, e Vus ponderais d'interrumper la gravidanzaa. Sche Vus essas malsegira e sche Vus tschertgais agid per prender la decisiun e/u sche Vus giavischais ulteriuras infurmaziuns, discurre cun Vossa ginecologa u cun Voss ginecolog, cun Vossa media u cun Voss medi ubain As drizzai al post da cussegliaziun ch'è vegnì incumbensà dal chantun per questas dumondas.

En il chantun Grischun è quai: **:adebar»,** il post da cussegliaziun per planisaziun da famiglia, sexualitad, gravidanzaa e partenadi; Sennensteinstrasse 5; 7000 Cuir; tel. 081 250 34 38.

Agid en la procedura da decisiun

Ina gravidanzaa imprevisa po provocar numerusas dumondas, malsegirtads e temas. :adebar», il post da cussegliaziun per planisaziun da famiglia, sexualitad, gravidanzaa e partenadi porscha cussegliaziuns gratuitas per dunnas e per pèrs cun gravidanzas che dattan conflicts. La cussegliaadra è obligada a discreziun. Ella discuta cun la dunna u cun il pèr la situaziun persunala actuala e las differentas pussaivladads da purtar or la gravidanzaa u da l'interrumper. Resguardads vegnan ils aspects psicologics, socials, giuridics e finansials. Il discurs duai gidar la dunna u il pèr a prender quella decisiun ch'els pon responsar e ch'els pon dumagnar emoziunalmain. Tuttina tge decisiun che vegn prendida, igl è en mintga cas pussaivel da cuntinuar cun la cussegliaziun, cun l'accumpagnament e cun il sustegn.

Co è reglada l'interrupziun da la gravidanzaa en Svizra?

Ina interrupziun da la gravidanzaa è permessa durant las emprimas dusesch emnas dapi il cumenzament da l'ultima perioda (tenor il cudesch penal art. 118 fin 120). Avant l'intervenziun sto la media u il medi far in discurs detaglià cun la dunna. Ella u el infurmescha la dunna davart l'intervenziun medicinala, davart las ristgas per la sanadad e la consegna in mussavia. En quest mussavia figureschan quels posts e quellas uniuns che porschan agid moral e material a las dunnas en speranza. En il mussavia chatta la dunna medemamain indicaziuns per il cas d'ina adopziun. Mintga dunna decida sezza, sch'ella vul profitar da questas purschidas u betg. Per dunnas giuvnas sut 16 onns è in discurs tar: :adebar», il post da cussegliaziun per planisaziun da famiglia, sexualitad, gravidanzaa e partenadi u tar il servetsch psichiatric per uffants e giuvenils obligatoric. A partir da la 13avla emna dapi il cumenzament da l'ultima perioda n'è ina interrupziun da la gravidanzaa betg chastiabla, sche la situaziun d'urgenza da la dunna vegn cumprovada tras in giudicat da la media u dal medi. Il chantun Grischun definescha, en tge ospitals u en tge praticas da medias u da medis che la gravidanzaa po vegnir interrutta.

Tge metodos vegnan applitgadas per l'interrupziun da la gravidanzaa?

Vesair la brochura agiuntada «Infurmaziuns davart l'interrupziun da la gravidanzaa». En questa brochura vegnan descrittas e cumparegliadas las differentas metodos.

Nua poss jau ma drizzar, sche jau sun ma decidida per ina interrupziun?

Vus pudais As annunziar tras Vossa ginecologa u tras Voss ginecolog, tras Vossa media u tras Voss medi ubain persunalmain tar in dals ospitals che fan l'intervenziun (per operaziun u cun medicaments):

Ospital da dunnas Fontana

Lürlibadstrasse 118, 7000 Cuir
tel. 081 254 81 11

Ospital regiunal dal Partenz

7220 Schiers
tel. 081 308 08 08

Ospital regiunal da l'Engiadin'ota

7503 Samedan
Annunzia sur la
pratica da signur dr. Winkler
tel. 081 852 58 68

Ospital regiunal da la Surselva

7130 Glion
tel. 081 926 51 11

:adebar»